

Siunnersuummut oqaaseqaatit

Siunnersuummut nalinginnaasunik oqaaseqaatit**1. Aallarniut***1.1. Pingaarnertut tunuliaqutaasut*

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaanni nr. 20, 3. december 2012-meersumi, allanngortinneqartumi Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarneranik Inatsisartut inatsisaanni nr. 4, 3. juni 2016-imeersumi aamma Inatsisartut inatsisaanni nr. 27, ulloq 17. november 2017-imeersumi nalilersuinernik ingerlatsisoqarsimavoq.

Nalilersuinerit ingerlanneqareerneranni taamaasilluni siunnersuutigineqarpoq aaqqissuussinikkut taaguutininik nutaangilisimasunik aamma aalajangersakkanik pisariaaruttunik iluarsiiisuteqartoqarnissaa. Kiisalu aamma siunnersuutigineqarpoq Kalaallit Nunaanni inuussutissarsiutinik siuarsaaniarnermut qinnuteqartunut piumasqaatit aalajangersimasut sakkukillineqarnissaat. Taamaattumillu inatsimmik allannguinissamik siunnersuut una aqputigalugu siunnerfiussasoq aalajangersakkat ilaannik atorunnaarsitsinissaq, allannguinissaq aalajangersakkallu ilaannik perrasaanissaq. Allannguinerit kingunerisaannik Inatsisartut inatsisaata taaguutaa aamma allanngortinneqarpoq, taamaasillunilu taaguuteqalerluni Nalinginnaasumik inuussutissarsiutinik siuarsaanermut Inatsisartut inatsisaat.

1.2. Inatsisissamik piareersaanermi qulequttat pingaarnertit

Illup nammineq iluani Inatsisartut inatsisaat pillugu oqaloqatigiinnerit ingerlanneqartut saniatigut ingerlatsisoqarsimavoq nalilersuiffigisumik ataatsimiinnermik Inuussutissarsiutinut, Niuernermit, Aatsitassanut, Inatsisit Atuutinneqarnerannut Naligiissitaanermullu Naalakkersuisoqarfiup aamma NALIK Ventures A/S-ip akornanni 2023-ip ukiaani, annikitsunik taarsigassarsititsisarnermut, NALIK Ventures A/S-imit saqqummiussiviusumik nalunaarusiortarnermut sakkussamik kukkunersuiusumit arlaannaannulluunniit atasuunngitsumit suliaasumik, ilaatigut annikitsunik taarsigassarsititsisarnermut kisitsisinik paasissutissanik imaqartumik.

1.3. Siunnersuutip imarisai nalinginnaasumik

Annikitsunik taarsigassarsititsisarnermik aaqqissuussineq ukiuni 4-ani misiliilluni aaqqissuussinerusimavoq, piffissami 1. januar 2018 - 1. januar 2022. Annikitsunik taarsigassarsititsisarnermik aaqqissuussineq ingerlaqqissappat Inatsisartut inatsisaanni nr. 27, ulloq 17. november 2017-imeersumi tunngavilersuutaasimavoq inatsimmik allanngortitsisoqartariaqassasoq, nalilersuinerit kingornagut naliliisoqassappat annikitsunik taarsigassarsititsisarnermik aaqqissuussinerup ingerlaqqinnissaa. NALIK Ventures A/S peqatigalugu 2023-ip ukiaani aaqqissuussinermik nalilersuineri annikitsunik taarsigassarsititsisarneq iluatsilluarsimasutut isigineqarpoq, annikitsunik

taarsigassarsimasut tamakkiusavillutik aningaasat attartorsimasatik utertittarsimammatigit, aallarnisaallu aamma suliffeqarfiit mikisut attartortarsimasut alliartorsimallutik. Taamaattumik siunnersuutigineqarpoq suli ingerlaqqittumik aningaasanut inatsimmi aningaasaliissutitsigut immikkoortitsisoqassasoq 500 t.kr.-inik ukiumut annikitsunik taarsigassarsititsisarnermik aaqqissuussinermut.

Ingerlatsinermi aningaasaqarnermik nalilersuinermi siunnersuutigineqarpoq nalilersuisoqartassasoq niuernikkut pilersaarusiap atuuttup atorsinnaassusianik. Nalilersuisoqartarunnaassaaq qinnuteqaateqartup fagitigut aamma aqutsinikkut pikkoriffiinik aamma piginnaaneriniq, aammalu qinnuteqartup aningaasaqarneranik. Ilanngullugulu siunnersuutigineqarpoq qinnuteqaateqartut pisortanut annertuunik akiitsoqartut aamma periarfissaqartinneqartassasut Inatsisartut inatsisaat tunngavigalugu qinnuteqaateqarsinnaanermut. Tamanna periarfissiissaaq qinnuteqaateqartut pisortanut annertuunik akiitsoqartut, niuernikkulli atorluarsinnaasumik pilersaarusiorsimasut tapiiffigineqarnissamut periarfissaqarnissaat.

2. Siunnersuummi qulequttat pingaarnerit

2.1. Inatsisit atuuttut

1. januar 2013 aallarnerfigalugu Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, ulloq 3. december 2012-imeersoq atortuulersinneqarpoq.

Inatsisartut inatsisaannik atortuulersitsinermi siunertaasimavoq inuussutissarsiutinik siuarsaanermi inatsisinik nutarteriniarneq, siunnerfigalugu nunami inuussutissarsiutini inuussutissarsiorneq pitsaanerusumik ineriartortinneqassasoq. Inatsisartut inatsisaatigit ammaanarput tapiissuteqartarnikkut aaqqissuussinerit nalinginnaasut allaffissornikkut ingerlatsivimmiitinneqalersinnaaneri imaluunniit kommuninut inissinneqarsinnaaneri. Siunnersuut siunnerfeqarsimavoq taamaallaat tapiissuteqartoqartarsinnaassasoq inuussutissarsiornikkut suliniutini aamma ingerlatsinerni ingerlalluarsinnaasuni, aammalu nalinginnaasumik aningaasarsiornikkut isiginninnermiit ineriartortinneqarsinnaasuni, imaluunniit ingerlaqqissinnaasuni Namminersorlutik Oqartussat tapiissuteqartarnerisigu.

Kingornagut Inatsisartut inatsisaanni nr. 4, ulloq 3. juni 2016-imeersumi atortuulersinneqarpoq periarfissaq aningaasanut inatsisikkut immikkoortitsisoqarsinnaaneranik aallarnisaasunik taaneqartunut tapiissuteqarsinnaanermut, tapiissutillu aningaasaannaasussaanatik, kisiannili aamma aallarnisaasunut aaqqissuussanik ingerlatsisarnernik qaammatit 24 angullugit sivisussuseqartartunik, siunnersorneqarsinnaanermik aallarnisarnerrullu nalaani isumasioqatissaqartarneq atuuttassalluni. Inatsisartut inatsisaat taanna atortuulerpoq ulloq 1. juni 2016.

Tamatuma kingornagut annikitsunik taarsigassarsititsisarnermik aaqqissuussineq ukiuni 4-ani misiligutitut atortuulersinneqarpoq, ulloq 1. januar 2018, Inatsisartut inatsisaatigit nr. 27, ulloq 17. november 2017-imeersukkut. Taanna takuneqarsinnaavoq Inatsiartuni

aalajangiiffigisassatut siunnersuummi UKA 2016/48-mi, Naalakkersuisut pisussaaffilerneqarmata inatsisissamut siunnersuummik suliaqarnissamik ukiuni 4-ani misiligutitut aaqqissuussinissamik inatsisissamut siunnersuusiornissamik, neqeroortoqarsinnaalersikkumallugu annikitsunik taarsigassarsititsisarnissamik, nalinginnaasumik aningaaserivitsigut taarsigassarsisinnaanermut periarfissaqanngitsunut.

Tamatumalu kingornagut Inatsisartut inatsisaatigut nr. 21, ulloq 1. december 2021 - meersukkut eqqunneqarpoq erseqqissaaneq nipilersornermik filmiliornermillu inuussutissarsiuteqartut tapiiffigineqarsinnaalernerat inuussutissarsiutinik siuarsaanermut inatsimmi tapiiffigineqarsinnaanermut periarfissat iluanni, atortuulersumik ulloq 1. januar 2022-imiit.

2.2. *Siunnersuutip imarisai*

Siunnersuutigineqarpoq aningaasanut inatsisikkut annikitsunik taarsigassarsititsisarnermik aaqqissuussineq ingerlatiinnarneqassasoq. Annikitsunik taarsigassarsititsisarnermik aaqqissuussineq takutitsisimavoq inuiaqatigiinni angusanik ajunngilluinnartunik, takukkit tulluuttut kisitsisit paasissutissat aamma angusat. Malugiuk kisitsisit paasissutissat aamma angusat pineqartut aallaaveqarnerat annikitsunik taarsigassarsititsisarnermik aaqqissuussinerup atortuulersinneqarneraniit ulloq 1. januar 2018-miit 2023-imi ukiaaneranut, tamatumalu kingornagut attartortissimasinnaasaat ersigatik.

- **Aningaasanik taarsigassarsianik utertitsisarneq:** Annikitsunik taarsigassarsititsisarnermi aningaasanik attartortarsimasut tamakkiusavillutik aningaasat attartukkatit utertittarsimavaat, atugassarititaasut pineqartut iluanni, tamannalu ersersitsisuulluni aningaasanik attartortartut akisussaassuseqarluarnerannik.

- **Attartugassanik immikkoortitserisarnermik periaaseq:** NALIK Ventures A/S -ip annikitsunik taarsigassarsianik attartortinneqartartunik immikkoortitserisarnera aallaaveqarsimavoq niuernikkut ingerlatsinissanik pilersaarussiaasut nassiunneqartartut pitsaassusiinik, tamannalu peqataasimalluni qularnaarisarnernut aningaasat attartortinneqartarnerannut taamaallaat ingerlalluarsinnaasutut isigineqartunut isumalluarnartunullu suliffeqarfinnut. NALIK Ventures A/S -imit naatsorsuutigineqarpoq annikitsunik taarsigassarsititsisarnermik aaqqissuussinerup iluatsilluarsimaneranut, taarsigassarsiallu pitsaasumik utertitsiumassuseqarnerannut attartortussanik immikkoortitserisarnermik aaqqissuussinerup peqqissaartuunera peqqutaasoq.

- **Nunatsinni siammasissumik aningaasaliissutaasartut siammasinneri:** Kommunini tamani annikitsunik taarsigassarsititsisoqartarpoq. Aajukua kisitsisit paasissutissat ersarinnerusut:

Avannaata Kommunia	1
Kommune Qeqertalik	3

Qeqqata Kommunia	7
Kommuneqarfik Sermersooq	5 ¹
Kommune Kujalleq	3

- Annikitsunik taarsigassarsiaasartut inuussutissarsiuutini siammarsimassusiat:

Annikitsunik attartortitsisoqartarpoq inuussutissarsiuutini tulliuttuni:

Takornariartitsineq	10
Sanaartorneq	2
Suliffissuaqarnermi	1
Atuisuni	3
Ilinniartitaanerni	1
Allani	2

Annikitsunik taarsigassarsititsisarnermik aaqqissuussineq taamaasilluni ingerlaqqittussatut siunnersuutigineqarpoq, inuiaqatigiinni ajunngilluinnartunik angusaqarfiusarmat, ersersitsisoqarlunilu aaqqissuussinerup ingerlaqqinnissaa pisariaqartinneqartoq.

Siunnersuutigineqarpoq taarsigassarsititsisinissamik neriorsuuteqarnermi ilanngullugit nalilersuivigineqartarunnaassasut qinnuteqartup fagitigut aqutsinikkullu pikkorissusia aammalu piginnaaneri, aamma qinnuteqartup aningaasaqarnera, taarsiullugulu taamaallaat nalilersuisoqartalissasooq niuernikkut pilersaarussiaasup atasinnaassusianik.

Siunnersuutigineqarpoq tapiissuteqarsinnaanermik killiliineq inunnut pisortanut akiitsoqartunut peerneqassasooq.

3. Aningaasaqarnikkut aamma allaffissornikkut pisortanut kingunerisassai

Siunnersuut tassaavoq atortuulersitseqqinneq killiliussatut inatsisaasimasumik, periarfissaqartitsisumik annikitsunik taarsigassarsititsisarnermut aningaasaliissutissanik aningaasanut inatsimmi immikkoortitsisarunni. Aningaasanit 2024-imi inatsimmi 500.000 kr.inik immikkoortitsisoqassaaq. Tamatumalu saniatigut naatsorsuutigineqarpoq aningaasanut inatsimmi ukiumoortunik immikkoortitsisoqartalernissaa aaqqissuussinerup allaffissuutigineranut.

Annikitsunik taarsigassarsititsisarnermik aaqqissuussinermi killiliussat 2018-imi atortuulersitsinermi atorineqassapput, taamalu kommunit ilaatigut periarfissaqassallutik aningaasaliissutissatut immikkoortitanik ilassusiisinnaanermik. Tamatumalu saniatigut taarsigassarsititsinissanut neriorsuuteqartarpoq taarsigassarsiaassanillu akiliisarnerit taamaallaat ingerlanneqartassallutik ukiumoortunik aningaasaliissutaasut iluanni.

¹ Nuummi 4 -at aamma kommunip sinnerani ataaseq.

Aningaasaliissutaasimasut - immikkoortinneqarsimasut – ukiumi ataatsimi attartortinneqarsimanngitsut nuunneqartarsinnaassapput ukiumut tullermut, taamalu aningaasaliissutaasinnaasutut killiliussat ukiumi ataatsimi 500.000 kr.-iniit qaffasinnerusinnaallutik. Naaffeqartunik akilersuutit aamma erniat nunatta karsianut utertillugit akilernerqartussaapput, taamaattumillu attartorteqqinneqartussaanaatik. Aaqqissuussinerup atorunnaarsereerneratigut aaqqissuussineq sinneqartoorfiuppat, taakkua nunatta karsianut nakkartinneqassapput, soorluttaaq nunatta karsiata annaasaqartoqassagaluarpat annaasat nammattussaagai, allatut isumaqatigiittoqarsimanngippat allaffissornikkut ingerlatsisullu aamma / imaluunniit kommunillu.

4. Aningaasaqarnikkut aamma allaffissornikkut inuussutissarsiortunut kingunerisassai

Siunnersuut periarfissaqartitsilissaaq amerlanerusunik suliffeqarfinnut minnerusunut annikitsunik taarsigassarsititsisarnissamut. Tamatuma tapiissuteqartarnerni periarfissat inuussutissarsiortunut annertusissavai, tamannalu naatsorsuutigineqarpoq suli inuussutissarsiortunut ilorraanut sunniuteqassasoq. Aamma ammanerulersitsisoqassaaq qinnuteqarsinnaaneq, aamma naak qinnuteqartoq malunnaatilinnik akiitsoqaraluartoq.

5. Avatangiisinut, pinngortitamut aamma innuttaasut peqqissusiannut kingunerisassai

Naatsorsuutigineqanngilaq siunnersuut avatangiisinut, pinngortitamut imaluunniit innuttaasut peqqissusiannut sunniuteqassasoq.

6. Innuttaasunut kingunerisassai

Naatsorsuutigineqanngilaq siullersuut innuttaasunut kinguneqassasoq.

7. Allatigut kingunerisassai

Naatsorsuutigineqanngilaq siunnersuut allatigut pingaarutilinnik kinguneqassasoq.

8. Pisortanik aamma kattuffinnik il.il. tusarniaaneq

Siunnersuut piffissami ulloq 30. april 2024 – 28. maj 2024 tamanut ammasumik tusarniaassutigineqarpoq tusarniaasarnermut qppersakkakut ugguuna www.naalackersuisut.gl.

Siunnersuut piffissami tassani aamma tusarniaavigineqartartunut tulliuttunut tusarniaassutaasimavoq:

Naalackersuisut Siulittaasuata Naalackersuisoqarfia
Ineqarnermut Attaveqaasersuutinullu Naalackersuisoqarfik
Aningaasaqarnermut Akileraartarnermullu Naalackersuisoqarfik
Aalisarnermut Piniarnermullu Naalackersuisoqarfik
Isumaginninnermut, Suliffeqarnermut Nunamullu Namminerumut Naalackersuisoqarfik

Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfik
Namminersulernissamut Nunanullu allanut Naalakkersuisoqarfik
Nunalerinermut, Imminut Pilersornermut, Nukissiuuteqarnermut Avatangiisinullu
Naalakkersuisoqarfik
Meeqqanut, Inuusuttunut Ilaqutariinnullu Naalakkersuisoqarfik
Peqqissutsimut Naalakkersuisoqarfik
Avannaata Kommunia
Qeqqata Kommunia
Qeqertalik Kommunia
Kommuneqarfik Sermersooq
Kommune Kujalleq
Sulisitsisut
SIK
ASG
IMAK
NPK
PPK
KNAPK
Avannaata Erhverv
Qeqertalik Business Council
Arctic Circle Business
Sermersooq Business
Innovation South Greenland
Explore North Greenland
Destination Arctic Circle
Destination Diskobay
Eastgreenland.com
Visit Greenland
Nalik Ventures
Eqqartuussissuserisut - Nuna advokater
Eqqartuussissuserisut - Arctic Law
Eqqartuussissuserisut - Advokatfirmaet Malling & Hansen Damm
Eqqartuussissuserisoq - Advokatfirmaet Meinel
Eqqartuussissuserisoq - Advokat Gedion Jeremiassen
Eqqartuussissuserisoq - Inuit Law
Eqqartuussissuserisoq - Advokat Naja Joelsen
Eqqartuussissuserisoq - Advokat Aviâja Helms
Aqqartuussissuserisoq - Advokat Marie Louise Frederiksen
Kukkunersuisut - Grønlands Revision
Kukkunersuisut - Deloitte
EY

15. august 2024

UKA 2024/30

BDO
Grønlandsbanken
Banknordik

Ilanngussamut 2-mut innersuussisoqassaaq tusarniaaneq pillugu, aamma tusarniaanermut akissutisiat pillugit.

**Siunnersuummi aalajangersakkanut
ataasiakkaanut oqaaseqaatit**

§ 1 -imut

Nr. 1 -imut

Nr. 2 -mut

Siunnersuutigineqarpoq oqaasertaliussaasimasooq § 1 b, imm. 1 -imi allanngortinneqassasooq imaalillugu *aallarnisaasut mikisut* taarserneqassasooq imaalillugu *suliffeqarfiit minnerusut*, taaguut *aallarnisaasut mikisut* nutaanngilisimasutut nalilerneqarmat.

Nr. 3 -mut

Siunnersuutigineqarpoq annikitsunik taarsigassarsititsisarnermik aaqqissuussinerup atorunnaarfissaatut ulluliussa § 1 b, imm. 3-mi atorunnaassasooq. Tamatuma kingunerissavaa annikitsunik taarsigassarsititsisarnerup ingerlaannarnissaa.

Nr. 4 -mut

Siunnersuutigineqarpoq inuussutissarsiutit sammiviinik nalunaarsukkat peerneqarnissaat, taamalu inuussutissarsiutinik siuarsaaneq inuussutissarsiortunut siammasissumik paasineqalerluni. Inuussutissarsiutinik siuarsaaneq siunnersuummi ilaasooq ilaatigut suliffeqarfinnut aamma kiffartuussivinni, takornariartitsinermi, suliffissuaqarnermi, niuernermi, akunnittarfeqarnermi, IT-mik ingerlatsinermi, misigisassarsiorititsisararluni inuussutissarsiutini, nipilersornermik ingerlatsinermi, filmiliortarnerni ilaavoq, kisiannili taakkua siunertaannut killiligaanani. Ingerlatsisarnerit soorlu arfernik imaani takusassarsiorititsisarnermi assigisaanilu ingerlatani aamma ilaavoq Inatsisartut inatsisaata iluaniittut, naak nunami suliffiunngikkaluarluni. Siunnerfiuvoq siunnersuummi pineqassasut suliffeqarfiit aamma ingerlatsinerit inuussutissarsiutinut tapiissuteqartarnernik aaqqissuussinerni allani ilaangitsut, soorlu aamma pisortanit tapersersukkanik ilinniartitaanerit, aalisarnermi inuussutissarsiummik siuarsaaneq, nunalerinermik siuarsaaneq, kulturimut tapiissuteqartarneq aamma pisortat tapiinissamut periarfissaqarfigisaat allat siunissami ilaalersinnaasut. Tapiiffigineqarsinnaanermik neriorsorneqartarnermili suli piumasaavoq tapiiffigineqarnissamut piumasaqaatit naammassineqarsimaneri.

Nr. 5 -imut

Siunnersuutigineqarpoq § 7, imm. 4, oqaaseqatigiit aappaat allanngortinneqassasooq tapiissuteqarsinnaanermut neriorsuuteqarnissamik naliliinermi qinnuteqartup fagitigut aamma pisortatut pikkoriffigisai aamma piginnaaneri aamma qinnuteqartup aningaasaqarnera ilannguttariaarullugit. Naliliisoqarpoq naammattoq tapiissuteqarnissamik neriorsuinermi niuernikkut pilersaarusiap atorsinnaassusiata naliliivigineqarnissaa.

Niuernermit pilersaarusiap pineqartup nalilersorneqarnerani pineqassapput piujuaannartitsineq aamma niuernermit pilersaarusiap qanoq suliarilluagaatiginera.

Niuernermut pilersaarussiaq tassaavoq ingerlatsinissamut pilersaarut suliffeqarfiup qanoq ittunik angusaqarnissaanut, - aamma qinnuteqartup anguniakkat pineqartut taakkua qanoq anguniarnerai. Pilersaarut annertunerulersitsissaaq suliffeqarfiup ingerlalluartup imminut akilersinnaasumik ingerlanneqarsinnaanerani.

Niuernikkut pilersaarummi suut ilaassanersut, aamma pilersaarusiap qanoq immikkuualuttortaqartiginissaa imarisamigut eqqarsaatigalugu apeqquataassaaq suliffeqarfiup qanoq ittuunera. Taamaattumik tulliuttuni allaaserisat tamakkiisuunngillat, kisiannili tikkuussillutik niuernikkut pilersaarusiap nalinginnaasumik sunik imaqartarnerannik:

- Isumassarsiami tunngaviusoq: Allaaserinninneq nioqqummik imaluunniit sullissinissamik. Suna niuernermik ingerlatsinerup qitiusumik tunngaviusumik kaaviiarfigaa. Matumani aamma sullinneqartut nioqqummit suut pissarsiarisarneraat.
- Allaaserinninneq piginnaasat suut tapiiffigineqarnissamik qinnuteqartup suliniummut pineqartumut atatillugu piginerai, aamma piginnaasat suut amigaatigineqarnerisut.
- Allaaserinninneq niuerfiusumik aamma niuerfiusumi periarfissanik. Matumani aamma kikkut siunnerfiuneri aamma unammillertit kikkut eqqaaniissinnaanersut niuerfiusumi pineqartumi. Paasissutissat ersersitsisinnaassapput periarfissat qanoq ittut niuerutiginiarneqartumiinnerannik.
- Nioqqutigineqartukkut qanoq annertugisunik isertitsisoqarsinnaanerani isumaliutit.
- Qinnuteqartup nioqqummik qanoq ussassaaruteqartoqarnissaanik isumaliutersornerisooq. Matumani aamma isumaliutersuutit qanoq aaqjissuussinikkut ussassaariniartoqarnerani, aamma nioqqummik qanoq ilisarititsisoqarnissaanik, imaluunniit kiffartuussinermik qanoq ilisarititsiniartoqarnera, taamaasilluni nioqqutiginiarneqartoq inunnit siunnerfiusunit takuneqartussanngorlugu soqutigisatut immikkuullarissutullu.
- Allaaserinninneq suliffeqarfiup ineriartornerani. Assersuutigalugu suliffeqarfimmut pilersaarusiakkut qanoq suliffeqarfiup ingerlanneqarnissaanik, aamma ukiut aasersuutigalugu aallartinnermiit 3 -it qaangiunneranni qanoq isikkoqartussatut takorloorneqarnerisooq.
- Aningaasarsiornermut takussutissiaq. Qanoq iliornikkut qinnuteqartup aningaasarsiornermi kaaviiartunngortinniarpa ataqatigiissumik? Qanoq isumassarsiaq aningaasalersorniarneqarpa? Matumani aamma qanoq aningaasaliissutissanik pissarsiniartoqarniarpa suliffeqarfik ingerlassinnaajumallugu. Immikkoortumi tassani ilaasariaqarput missingersuusiat tamakkiisunik takussutissiisut.

Nr. 6 -imut

Siunnersuutigineqarpoq § 8, *imm.* 2 allanngortinneqassasoq, taamalu inuit pisortanut annertuunik akiitsoqartut mattunneqarunnaarsinneqassasut tapiiffigineqarsinnaaneramiit.

§ 2 -mut

Siunnersuutigineqarpoq Inatsisartut inatsisaata atortuulernissaa ulloq 1. januar. 2025.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertat atuuttut</i>	<i>Siunnersuut</i>
	§ 1 Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, ulloq 3. december 2012-imeersaq, allanngortinneqartoq Inatsisartut inatsisaatigut nr. 4, ulloq 3. juni 2016-meersukkut, Inatsisartut inatsisaatigut nr. 27, ulloq 17. november 2017-imeersukkut aamma Inatsisartut inatsisaatigut nr. 21, ulloq 1. december 2021-imeersukkut imaattunik allannguuteqartitsisoqassaaq:
Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat	1. Inatsisartut inatsisaata taaguutaa imatut oqaasertalerneqassaaq: ”Nalinginnaasumik inuussutissarsiutinik siuarsaanermut Inatsisartut inatsisaat.”
§1 b, Imm. 1. Aningaasaliissutinik immikkoortitsisoqassaaq annikitsunik taarsigassarsititsineranut aningaasaliissutaasartussanik, aallarnisaasuaqqat aningaasalersornissaannik siunertaqartumik.	2. § 1 b, imm. 1 imatut oqaasertalerneqassaaq: ” Aningaasaliissutissanik immikkoortitsisoqassaaq annikitsunik taarsigassarsititsisarnermik aaqqissuussinermut atorpeqartartussanik siunertaralugu suliffeqarfiit mikinerusut aningaasalersuisinnaanerit oqinnerulersikkumallugu.”
§ 1 b. Imm. 1-imi annikitsunik taarsigassarsititsisarnermut aaqqissuussineq, atuutilernerata kingorna ukiut 4-t qaangiunneranni atorunnaassaaq.”	3. § 1 b, imm. 3 atorunnaarsinneqarpoq.
§ 2. Inatsisartut inatsisaanni ilaapput nunami inuussutissarsiutinut tapiissuteqartarnerit. Nunami inuussutissarsiutinut ilaapput	4. § 2, imm. 1, imatut oqaasertalerneqassaaq: ”Inatsisartut imaqarpoq inuussutissarsiutinik siuarsaanermik nalinginnaasumik.”

<p>suliffeqarfiit aamma ingerlatsinerit kiffartuussinermi, takornariartitsinermi, suliffissuaqarnermi, niuernermi, akunnittarfeqarnermi, nipilersornermi filmiliornermi il.il. inuussutissarsiutit.</p>	
<p>§ 7. <i>Imm. 4, oqaaseqatigiit aappaat.</i> Ingerlatsinermi aningaasarsiornikkut naliliinermi ilaatigut qinnuteqartup suliaqarfitsigut aqutsinikkullu piginnaasaqarfiinik piginnaasaanillu naliliineq, qinnuteqartup aningaasarsiornera niuermilulu pilersaarutaata aalajangersimasup atorsinnaassusia naliliinermi ilanngunneqartassallutik.</p>	<p>5. § 7, imm. 4, oqaaseqatigiit aappaat imatut oqaasertalerneqassaaq: ”Aningaasaqarnikkut ingerlatsinermik naliliinermi ilaatigut ilanngunneqassaaq niuernikkut pilersaarummik atuuttumik naliliineq.”</p>
<p>§ 8. Imm. 2. Tapiiffigineqarnissamik neriorsuineq tunniunneqarsinnaanngilaq, pissarsisussaq imaluunniit aqutsisuni imaluunniit siulersuisuni inuk aqutsisuusooq akileraartarnermi inatsimmik annertuumik unioqqutitsisimasutut imaluunniit Kalaallit Nunaanni pinerluttulerinermi inatsimmi aningaasarsiornermi pinerluuteqarnermut aalajangersakkanik unioqqutitsinermini pineqaatissinneqarsimappat imaluunniit pisortanut amerlasuunik akiitsoqarpat.</p>	<p>6. § 8, imm. 2, imatut oqaasertalerneqassaaq: ” Imm. 2. Tapiissuteqarnissamik neriorsuummik tunisisoqarsinnaanngilaq tapiiffigineqartussaq imaluunniit direktionimi inuit aqutsisuusut imaluunniit siulersuisuni ilaasortat siusinnerusukkut eqqartuussaani kuuppata pineqaatissinneqarlutik annertuumik akileraartarnikkut inatsisinik unioqqutitsisimanermik imaluunniit Kalaallit Nunaanni pinerluttulerinermit inatsimmi aalajangersakkanik unioqqutitsinikkut.”</p>
	<p style="text-align: center;">§ 2I</p> <p>Inatsisartut inatsisaat atortuulerpoq ulloq 1. januar 2025.</p>

Ilanngussaq 2

Siunnersuut piffissami 30. april 2024 -imiit 28. maj 2024 ilanngullugu tamanut saqqummiunneqarpoq Namminersorlutik Oqartussat tusarniaasarnernut quppersagaanni, aammalu nassiunneqarluni tusarniaavigineqartartunut ukununnga:

Naalackersuisut Siulittaasuata Naalackersuisoqarfia
Ineqarnermut Attaveqaasersuutinullu Naalackersuisoqarfik
Aningaasaqarnermut Akileraartarnermullu Naalackersuisoqarfik
Aalisarnermut Piniarnermullu Naalackersuisoqarfik
Isumaginninnermut, Suliffeqarnermut Nunamillu Namminermt Naalackersuisoqarfik
Ilinniartitaanermt, Kultureqarnermut, Timersornermt Ilageeqarnermullu
Naalackersuisoqarfik
Naalagaaffinngornissamut Nunanullu Allanut Naalackersuisoqarfik
Departement for Landbrug, Selvforsyning, Energi og Miljø
Meeqqanut, Inuusuttunut Ilaqtariinnullu Naalackersuisoqarfik
Peqqissutsimut Naalackersuisoqarfik
Avannaata Kommunia
Qeqqata Kommunia
Qeqertalik Kommunia
Kommuneqarfik Sermersooq
Kommune Kujalleq
Sulisitsisut
SIK
ASG
IMAK
NPK
PPK
KNAPK
Avannaani Inuusutissarsiortut
Qeqertalik Business Council
Arctic Circle Business
Sermersooq Business
Innovation South Greenland
Explore North Greenland
Destination Arctic Circle
Destination Diskobay
Eastgreenland.com
Visit Greenland
Nalik Ventures
Eqqartuussissuserisut - Nuna advokater
Eqqartuussissuserisut - Arctic Law

Eqqartuussissuserisut - Advokatfirmaet Malling & Hansen Damm

Eqqartuussissuserisoq - Advokatfirmaet Meinel

Eqqartuussissuserisoq - Advokat Gedion Jeremiassen

Eqqartuussissuserisut - Inuit Law

Eqqartuussissuserisoq - Advokat Naja Joelsen

Eqqartuussissuserisoq - Advokat Aviâja Helms

Eqqartuussissuserisoq - Advokat Marie Louise Frederiksen

Kukkunersuisut - Grønlands Revision

Kukkunersuisut - Deloitte

EY

BDO

Grønlandsbanken

Banknordik

Tusarniaanermi akissutinit ukunanga tigusaqartoqarpoq: Ineqarnermut Attaveqaasersuutinullu Naalakkersuisoqarfik, Meeqqanut Inuusuttunullu Naalakkersuisoqarfik, Aalisarnermut Piniarnermullu Naalakkersuisoqarfik, Kommune Kujalleq, KNAPK, Sulisitsisut, SIK. Sermersuumi Inuussutissarsiorneq, aamma Visit Greenland.

Ineqarnermut Attaveqaasersuutinullu Naalakkersuisoqarfik, Meeqqanut Inuusuttunullu Naalakkersuisoqarfik, Aalisarnermut Piniarnermullu Naalakkersuisoqarfik, Kommune Kujalleq aamma KNAPK nassiunneqartunut oqaaseqaateqanngillat.

Sulisitsisut allapput:

Tusarniaavigineqartoq allappoq aningaasanik annikitsunik attartortitsisarnermik isumassarsiaq tassaasoq ilalersunngilluinnagaa annertussusaatigut, ikiorsiisoqartarneratigullu attartortunik nakkutilliinertut. Tusarniaavigineqartoq siunnersuummut oqaaseqaateqanngilaq.

Naalakkersuisoqarfik sulianut oqartussaasoq oqaaseqarpoq:

Ikiorsiisoqartassaaq qinnuteqaatinut atasunik. Ilanngullugulu aamma aningaasanik attartortunik nakkutilliisoqassalluni.

SIK allappoq:

Tusarniaavigineqartup nalilerpaa annikitsunik attartortitsisarnermik aaqqissuussineq iluatsilluarsimasoq, taamaattumillu aaqqissuussineq ataavartunngortinneqartoq.

Naalakkersuisoqarfik sulianut oqartussaasoq allappoq:

Oqaaseqaateqanngilaq.

Sermersuummi Inuussutissarsiorneq, Kommuneqarfik Sermersooq, allappoq:

Tusarniaavigineqartup allanngineq tikilluaqquaa, ineriartornerlu maanna aaqqissuussinerusup iluani ingerlasoq iluarisimaarlugu. Taamaattoq tusarniaavigineqartoq isumaqarpoq aningaasaliissutissanut killiliussat 500.000 kr.-it ukiumut qaffasinnerusinnaasut, naatsorsuutigisariaqarmat inuussutissarsiornikkut siuariaateqartoqarnissaa, minnerunngitsumik takornariartitsinikkut inuussutissarsiutini timmisartoqarfiit allineqarnerisigut.

Aningaasanut inatsit aqutigalugu annertunerusunik aningaasaliissuteqarnissamut taarsiullugu qinerneqarsinnaavoq attartortitanut utertillugit ernianik akilersuutinullu akiliutigineqartartut aningaasaliissutitut ilanngunneqarnissaat qinerneqarsinnaasoq, taakkua nunatta karsianut utertinnagit.

Naggasiullugu tusarniaavigineqartup qinnutigaa “niuernikkut ingerlatsinissamut pilersaarusiamik pineqartumik nalilersuisarneq” itisilerneqassasoq erseqqissarneqarlunilu. Matumani aamma tunngaviusussat suut nalilersuinermi tunngaviusarneri.

Naalackersuisoqarfiup sulianut oqartussaasup oqaaseqaatai:
Killiliussanik aaqqissuussineq inatsisitigut allannguinissamik pisariaqartitsiviunngilaq. Ukiumut 500.000 kr.-inik immikkoortitsisarneq tassaavoq maannakkut aningaasanut inatsisikkut immikkoortitsisarnerup annertussusia. Aningaasaliissutissanik amerlanerusunik aningaasat ukiuini tulliuuttuni immikkoortitsisoqarnissaanut periarfissaqarpoq.

Maanna aaqqissuussinerup attuuttup ilagereerpaa attartukkat utertinneqartartut aamma erniat akilerneqartartut aningaasaliissutiniiginnartarnerat. Siunnersuut tamatumunnga atatillugu allannguinermik kinguneqartussaannngilaq.

Nassuiaatitut oqaaseqaatini itisilerisoqarpoq aalajangersakkami qanoq paasineqartussaansersoq “niuernikkut ingerlatsinissamut pilersaarusiamik pineqartumik nalilersuisarneq” pillugu.

Visit Greenland allappoq:

Tusarniaavigineqartup isumaqatigaa allannguutitut siunnersuutaasoq, isumaqarlunilu Kalaallit Nunaanni inuussutissarsiornikkut ineriartortitsinermut tamanna pitsaasunik sunniuteqartussaasoq. Tusarniaavigineqartoq isumaqarpoq siunnersuut aallarnisaasartunut aamma suliffeqarfinnut minnerusunut oqinnerulersitsissasoq aningaasaliissarsiorarneq eqqarsaatigalugu tapersorsorneqartarnermilu, tamannalu ineriartortitsinermut takornariartitsinermilu siuariatormermut pingaaruteqarlunnartoq.

Naggasiullugulu tusarniaavigineqartup oqaatigaa pilersitsisoqassasoq immikkuullarissunik aningaasaliissutissanik takornariartitsinernut aamma kulturikkut suliniutinut. Tusarniaavigineqartup nalunaarpaa aningaasaliissutit immikkoortitat pineqartut inuussutissarsiornikkut sammivinnik matumani pineqartunik ersarinnerulersitsisinnaasut

siunnerfilersugaasunillu tapersorsorneqarsinnaasut suliniutit iliuusissallu periarfissanik nutaanik siuarsaasut.

Naalackersuisoqarfiup oqartussaasup oqaaseqaatai:

Pilersaaruteqanngilaq immikkuullarissunik aningaasaliissutissanik inuussutissarsiornikkut sammivinnut immikkuullarissunut atorneqartussanik piffissami matumani. Taamaattoq qinnuteqartut takornariartitsinermik aamma kulturikkut ingerlatsinernik suliaqartut suliniuteqarnikkut periarfissaqarput qinnuteqarsinnaanermik, - inuussutissarsiutit samiviisulli allatut taakkualu naligalugit.